

重修盧氏縣誌卷之十二

樓峯郭光澍霖三氏編次

祥異

洪範休咎之徵各以類從蓋陰陽相感而吉凶預告使有位者驗省防弭斯見天心之仁愛也漢世諸儒亦縷縷言之矣爲治者奉若天道又安在而可忽與誌祥異

周

春秋莊公三十二年神降於莘虢公使祝應宗區史嚚享焉神賜之土田史嚚曰虢其殆乎吾聞之國將興聽

於民國將亡聽於神僖公五年晉滅虢

見左傳

明

嘉靖二十九年城隍廟災廬舍俱燼修復三年始成

萬曆四十三年地震廬舍崩塌止存城隍閔帝二廟四

十六年大蝗

天啟六年黃霧四塞繼而雨雹民飢

崇禎五年桃李冬花九年飛蝗蔽天格澤夜見禾櫓生

人賴存濟十年地生螟寸長黑色食禾盡十三年夏不

雨七月霜父子相食餓殍遍野十六年腊月十七日雷

震地裂十七年正月朔大雪晝晦如夜

國朝

康熙八年城東五色雲見大有年二十二年東北璫雲
見三十六年洛水溢四十六年五月洛水溢五十二年
文廟古栢棲雉五十三年教諭宅蓮花並蒂

雍正八年地震十年文廟正殿大梁生木靈芝三本是
年登科者三五月二十七日雨雹如拳

乾隆七年八月十二日雨雹十二年正月十三日天鼓

鳴

嘉慶十四年己巳高村麥一莖五六穗瑞不止於双歧

秋大有年 十八年旱飢

道光六年大雨兼旬沙河水破城而入東門一帶址基

蕩然無存修築数月工始竣 十六年飢 二十六

年四月初四日沙河陡漲沖破城垣十餘丈時天旱

禱雨南門封閉水無路可出壤民廬舍無數人畜溺

死者甚多 二十七年大飢道殣相望

咸豐元年衙前村石鳴 三年龍項村段氏祖塋木生

連理 五年秋飛蝗蔽天 六年七年蟪生

同治元年七月蝗 五年四月隕霜麥苗枯果寔盡落
九年十一月有火光自東而南聲震林木 十一年
馮家灣村麥秀双歧地約畝許

光緒二年旱 三年旱大飢父子相食死者不可勝計
八年六月初四日洛水大溢漂沒田廬人物無筭有
蜮 十年六月大風拔木 十三年八月初二日已
刻洛水上下百餘里渡口六處同時舟覆而俱未傷
人 十六年洛水溢

附事變

明

萬曆四十八年靈邑張國安作亂盧民征勦擒獲渠寇

李宗善

天啟六年觀音 飢民作亂發兵征勦陣亡把總張翼

冲等三人

崇禎六年十二月初二日盧城初陷焚縣治倉庫七年

七月十三日總兵尤世威號台禦寇苦戰陣亡鄉導把
總楊文緒等是年冬徐兵鼓噪知縣白楹安撫之八年

十二月二十八日盧城再陷屠焚一空十三年十一月

二十七日夜半山賊余少樓登城東南已陷半面鄉民
胡應聘宋成功楊忠起五人奮勇爭先刺中賊首趕殺
餘賊墜城外詰旦十字街祭神賞功賊造攻具圍猶未
解是夜生員孫孕秀糾合鄉勇自火焰城突圍人援助
官防守拒戰數日賊退解嚴十四年五月李自成張獻
忠羅汝才三營巨寇集盧避暑盧城三陷火焰城拒守攻破
屠之

國朝

順治五年十月初一日石朶山張天澤等謀叛襲盧城

人覺禦之知縣劉濶左背帶箭大兵征勦至甲午年始得平定

嘉慶二年三月楚匪齊二寡婦寇棗川 三年冬張漢朝寇橫澗

咸豐七年五月刀匪崔狗娃寇棗川 十月楚匪蕭曠等寇棗川三川

同治元年壬戌四月粵匪陷盧城盤踞三日始去 閏

八月初一日晚匪再陷盧城盤踞幾二十日 三年

甲子捻匪張宗禹二月十八日來三月十六日去棗

川殘破已極 三月粵匪寇朱陽關 八年九月陝
西亂兵逃竄由城南經過幸不爲災

光緒四年靈寶張尙義暗通教匪煽惑飢民事洩被擒

重修盧氏縣誌卷之十三

樓峯郭光澍霖三氏編次

古蹟

城樓台亭庵園莊洞池閨坊橋祠寺觀井石雜誌

古今之不相及也千百年間追邇杳渺苟無所憑藉將何以緬懷前徽而於古人之氣息精神曠世而相感乎惟是古人芳躅餘韻必有陳迹留遺即世遠風微皆可依托慨想上邇德音固恍然有神契者卽古人至今存可也志古者其可以興矣誌古蹟

城

伊尹城

在棗川伊水濱即伊尹耕莘處舊趾猶存盧號莘川本此

火焰城

在縣東十里失考

樓

老子樓

在老君山高峰插漢樓踞峯巔石柱鉄瓦有老子騎青牛像

嘯月樓

在澗西李炳退

休地

養正樓

在黑子峪西偏村人朔望宣講令趙贈里仁足風匾額跋云里有仁厚之俗爲

聖諭處邑

美本縣忝署邑篆年餘勸戒多端無非以此爲吾民期查該峪居近百家士農工商各安本業既鮮游情復少爭訟不可謂非仁厚之俗也書曰表厥宅里樹之風声故旌之以爲該峪勸並爲合邑風

藏書樓

在城西南隅高與魁星樓齊吏部驗封司員外郎杜桂建

臺

號台

在東郭外北岡廬舊屬號地台因名之脩郭臨洛覽盡一邑勝槩遊人多覬眺於此

亭

官亭

在白石峪廢橫波亭在興國寺後俯臨洛水邑人修禊處涼亭在今

廟左側宋岳武穆遣將牛皋提兵由此東取長水縣恢復西京鸞亭在棗川

庵

太白庵

在南関今廢遺趾猶存

望雲庵

在霞子口

雲溪庵

在伏龍山麓今廢慶

雲庵

在仙峪今廢

老子庵

在文峪

大悲庵

在茅河

白雲庵

在蘇家凹高踞峰巔清靜幽雅

園

祈乘園

在東澗左側

莊

耿家莊

文恪公別墅在稟川伊水濱

洞

尹喜洞

在伏龍由麓雲溪庵內喜受經修煉於此

扁鵲洞

在伏虎山懸崖扁鵲丹竈處故洞名

因之俗各
仙人洞

過風洞在抱犢山洞口東西透亮中際寬潤可容百人有抱犢真人像

蓮花洞

在抱犢懸崖滴水石秀皆成蓮花

龍女洞

在山藥王洞在山角

降魔洞

在官坡
仙音洞在文峪山口

九龍洞

在茄子河洞口有樹一株每歲易葉人莫能識俗傳中有九龍故因以爲號

池

養魚池

在澗西亦李炳退休處

關

虎豹關

在十八盤東控永宜西通關陝元察宰鉄木耳率義兵由此收商洛恢復陝西

鉄關

即今鉄嶺一金大正年間拒元師相戰於此

坊

鎮東坊

在東關今廢

函谷鎖鑰坊

在鉄嶺今廢

秦川入眺坊

在寺兒嶺

今廢江漢澄清坊

在朱陽今廢

橋

瀝橋

即東澗橋爲邑八景之一今廢

祠

房公祠

在城東倉上村一唐開元間琯上封禪書張說奇之授盧氏合建倉於此土人立廟祀焉

白公祠

在縣治西一明末宰盧流寇陷城死之里民建祠奉祀

韓文公祠

在土地嶺上每年二月初二日爲會期鄰封數百里外均感靈異香火之盛爲一邑冠

張公祠

在縣西一里祀元縣令張世英今廢

王夫子祠

在城內瘟神廟東間壁兵部侍郎莫瞻菴爲邑人榮祿大夫王景福建

寺

行香寺

在北

興國寺

在縣洛水南

龍岩寺

在北蘓村勅鄂公建

觀

成德觀

在城東門內一五代閔顥德四年一宋一金一

太清觀

在老君山萬曆二十三年遣中使發帑金勒建宮殿頒賜經卷貯于中明末晦蝕無餘順治間

黃冠王調元重修

長春觀

在棗川道人劉遂真修煉處

青牛觀

在武山下太微觀

在號台康熙五十二年重修

紫虛觀

在澗底村

玉清觀

在張麻村一在文峪

集仙

觀

在南鍊真觀在岡蘓村頭嶺

井

三眼井

在女廟聖域門東側甘列殊他井

官井二處

一在縣治前一在大街

義井

在北琉璃井

在盧古寨內